

# Persediaan Asas ke Gerbang Perkahwinan

Muhammad Shafiq Mohamad Fauzi  
Siti Nur Akira Mohd Sofian  
Kamarul Azmi Jasmi

Akademi Tamadun Islam, Fakulti Sains Sosial dan Kemanusiaan, Universiti Teknologi Malaysia qamar@utm.my

## Suggested Citation:

Mohamad Fauzi, Muhammad Shafiq; Mohd Sofian, Siti Nur Akira, & Jasmi, Kamarul Azmi. (2019). *Persediaan Asas Ke Gerbang Perkahwinan*. Kertas kerja Dibentangkan di Seminar Institusi Islam 2019 dengan tema 'Ke Arah Pembentukan Masyarakat Cemerlang' bertempat di 5.01 Bangunan Tun Razak (SPACE), Kuala Lumpur, pada 18 Ogos 2018: 1-14, ISBN: 978-967-2171-91-1.

## Abstract

Perkahwinan merupakan sebutan yang cukup indah dalam kalangan para 'syabab dan akhawat' kerana perkahwinan adalah sunah al-hayat yang ditentukan sejak kewujudan nabi Adam AS oleh Allah SWT kepada kaum Adam dan Hawa. Namun kini, segelintir anak-anak muda yang mahu mendirikan rumahtangga tidak memahami asas perkahwinan yang perlu wujud sebelum melangkah ke alam itu, malah ada yang takut untuk melangkah ke alam perkahwinan. Individu yang ingin berkahwin perlulah memahami serta mempelajari asas perkahwinan seperti ilmu melibatkan akidah, ibadat, akhlak serta tanggungjawab suami isteri sebagai persediaan awal sebelum melangkah ke gerbang perkahwinan. **Kata Kunci:** Perkawahwinan, akidah, ibadah, akhlak, tanggungjawab suami, tanggungjawab isteri

## References

- 'Ulwan, Abdullah Nasih. (2000). *Pendidikan Anak-Anak Menurut Pandangan Islam*. Kuala Lumpur: JAKIM.
- Abdul Hamid, Aizuddin. (2015). *Kahwin Muda ke Arah Mencari Reda-Nya*. Sungai Buluh, Selangor: Telaga Biru Publications & Distributors Sdn. Bhd.
- Abdul Jamal, Nor Rashidah, & Jasmi, Kamarul Azmi. (2006). *Persepsi Pelajar SPI yang Berkahwin Tentang Perkahwinan Semasa Belajar*. Universiti Teknologi Malaysia.
- Abdullah, Shaik. (2019). *Pengajian Islam*. Pulau Pinang: Universiti Terbuka Wawasan.
- Ahmad, Muhammad Hambal. (1983). *Fada'il al-Sahabah* (Wasyullah Muhammad 'Abbas Ed.). Beirut: Mu'assah al-Risalah.
- Ahmad, Muhammad Hambal. (2001). *Musnad al-Imam Ahmad bin Hambal* (Shu'ay al-Arna'ut & 'Adil Murshid Ed.). Al-Qahirah: Mu'assah al-Risalah.
- Al-Banna, Hasan. (1986). *Allah di dalam Akidah Islamiah* (Alwi Hasan, Trans.). Kuala Lumpur: Dewan Pustaka Islam.
- Al-Bukhari, Muhammad. (2001). *Al-Jami' al-Musnad al-Sahih al-Mukhtasar min Umur Rasulullah SAW wa Sunanihi wa Ayyamihi – Sahih al-Bukhari* (Muhammad Zuhair Nasir Al-Nasir Ed. Vol. 1-9). Masurah: Dar Tuq al-Najat.
- al-Buraikan, Ibrahim bin Muhammad Abdullah. (1998). Pengantar Studi Akidah Islam. *terj. Muhammad Arus Matta, Robbani Press, 222-223*.
- Al-Ghazali, Abi Hamid Muhammad. (2011). *Ahya' 'Ulum al-Din*. Jeddah: Dar al-Minhaj.
- Al-Jazairi, Abi Bakr Jabir. (1999). *Akidah al-Mukmin*. Madinah al-Munawarah: Maktabah al-'Ulum wa al-Hikam.
- Al-Qaradawi, Yusuf. (1995). *Al-Ibadah fi al-Islam*. Qaherah: Maktabah Wahbah.
- Al-Tirmidhi, Muhammad 'Isa. (1998). *Al-Jami' al-Kabir - Sunan al-Tarmidhi* (Bashar 'Awad Ma'ruf Ed. Vol. 1-6). Beirut: Dar al-Girb al-Islami.
- Alias, Nurmaya. (2018, September 07). Pakar Motivasi Muhaya Muhamad Kongsi Petua Keibubapaan. *Berita Harian.sg*.
- Arriffin, Armaz, Hakimi, Muhammad Iqbal, Fadzil, Muhammad Syabil, & Jasmi, Kamarul Azmi. (2012). *Pembubaran Perkahwinan dalam Islam*. Kertas Kerja Dibentangkan di Seminar Tamadun 2012.
- Awang, Ramli. (2012). *Akidah dalam Kehidupan Muslim*. Skudai Johor: Penerbit UTM Press.

- Awang, Ramli (2005). *Akidah Penghayatan Tauhid al-Quran*. Johor Darul Takzim: Universiti Teknologi Malaysia.
- Basiron, Bushrah, & Mhod Shubari, Mohammad Iqram. (2015). Mahasiswa dan Amalan Kerohanian. In Kamarul Azmi Jasmi (Ed.), *Mahasiswa dan Kehidupan dari Perspektif Islam: Asas Pembangunan Diri* (Vol. 1). Skudai, Johor: Penerbit UTM Press.
- Carole, Bourne Burgoyne, Janet, Reibstein, Anne, Mary Edmunds, & David, Anthony Routh. (2010). Preparation: What Changes After The Wedding? *Marital Commitment, Money and Marriage*, 390-403. doi:10.1002/casp.1045
- Chek, Roziah. (2010). *Konsep Perkahwinan dalam Islam dan Kristian: Kajian Perbandingan*. (Sarjana), University Of Malaya, Kuala Lumpur.
- Daud, Mustafa. (1991). *Perkahwinan Menurut Islam*. Kuala Lumpur: Utusan Publications & Distributors Sdn. Bhd.
- Daud, Mustaffa. (2005). *Perkahwinan Menurut Islam*. Kuala Lumpur: Utusan Publications dan Distributors Sdn Bhd.
- Faridah, C.H., & Sarina Aini, K. (2006). Pendekatan Psikologi dalam Pendidikan Akhlak Muslim Sebagai Pemangkin Pembangunan Insan dan Tamadun. *Jurnal Pengajian Melayu*, 17, 290-306.
- Hamzah, Naemah, & Jasmi, Kamarul Azmi. (2020). *Wanita Bekerjaya Menurut Perspektif Islam*. Skudai Johor: Penerbit UTM Press.
- Hamzah, Naemah Jasmi, Kamarul Azmi. (2020). *Wanita Bekerjaya Menurut Perspektif Islam*. Skudai Johor: Penerbit UTM Press.
- Ilahi, Karim. (2000). *Jodoh Perkahwinan & Rumah tangga Bahagia*. Johor Bahru: Perniagaan Jahabersa.
- Isa, Mohd, Fahmi, Arif, Yahya, Muhd, & Jasmi, Kamarul Azmi. (2012, 21 April 2012). *Wanita dan Perkahwinan dalam Islam*. Kertas Kerja Dibentangkan di Seminar Tamadun 2012, Marbawy Hall, Faculty of Islamic Civilization, Universiti Teknologi Malaysia.
- Ismail, Ahmad Munawar. (2009). *Pengaruh Akidah Terhadap Penghayatan Akhlak Pelajar-Pelajar Sekolah Menengah Kebangsaan Di Malaysia*. (Doktor Falsafah), Universiti Kebangsaan Malaysia, Bangi.
- Ismail, Ahmad Munawar, & Jasmi, Kamarul Azmi. (2016). *Akidah dan Akhlak dalam Pendidikan Islam*. Skudai, Johor: Penerbit UTM Press.
- Jasmi, Azmi Kamarul. (2016). Ibadah. In Azmi Kamarul Jasmi (Ed.), *Ensiklopedia Pendidikan Islam*. Skudai Johor: Fakulti Tamadun Islam UTM & Persatuan Cendekiawan Pendidikan Islam (Malaysia).
- Jasmi, Kamarul Azmi. (2002). *Paradigma Al-Imam al-Nawawi Dalam Pembangunan Insan: Satu Kajian Teks Terhadap Kitab Riyad al-Solihin*. Universiti Malaya: Projek Sarjana.
- Jasmi, Kamarul Azmi. (2005). *Menjejaki Kecemerlangan Rasulullah S.A.W. dalam Pendidikan Keluarga Islam*. Kertas kerja Dibentangkan di Sambutan Maulid al-Rasul, Perkarangan Masjid Jamek Ladang Sri Gading Pekan Sri Gading Batu Pahat Johor. [http://eprints.utm.my/41143/1/JasmiKA2005\\_MenjejakiKecemerlanganRasulullahdlmPendidikan.pdf](http://eprints.utm.my/41143/1/JasmiKA2005_MenjejakiKecemerlanganRasulullahdlmPendidikan.pdf)
- Jasmi, Kamarul Azmi. (2008). *Perkahwinan Semasa Belajar: Kebaikan dan Keburukannya dalam Pembangunan Pelajar Universiti*. Kertas kerja Dibentangkan di Persidangan Pembangunan Pelajar Peringkat Kebangsaan 2008, Dewan Sultan Ismail, UTM. <http://eprints.utm.my/41079/1/Perkahwinan-Semasa-Belajar-Kebaikan-dan-keburukannya-dalam-Pembangunan-Pelajar-Universiti>
- Jasmi, Kamarul Azmi. (2018a). *Ciri Orang yang Bertakwa: Al-Baqarah (2: 1-5)*. Kertas kerja Dibentangkan di Siri 2: Program Budaya al-Quran 26hb. Julai 2018, Kolej Tun Fatimah, UTM.
- Jasmi, Kamarul Azmi. (2018b). *Ciri Orang Yang Bertakwa: Surah al-Baqarah (1: 1-5)*. Skudai Johor: Akademi Tamadun Islam, FSSK, UTM.
- Jasmi, Kamarul Azmi. (2018c). *Hidayah sebagai Anugerah Tidak Ternilai: Al-Fatihah (1: 1-7)*. Kertas kerja Dibentangkan di Siri 1: Program Budaya al-Quran 19hb. Julai 2018, Kolej Tun Fatimah, UTM.
- Jasmi, Kamarul Azmi. (2018d). *Hidayah Sebagai Anugerah Tidak Ternilai: Surah al-Fatihah (1: 1-7)* (Vol. 1). Skudai Johor: Akademi Tamadun Islam, Fakulti Sains Sosial & Kemanusiaan, Universiti Teknologi Malaysia.
- Jasmi, Kamarul Azmi. (2018e). Karakter 7B Mukmin Cemerlang. *Jurnal Tinta Artikulasi Membina Ummah (TAMU)*, 4(1), 1-22.
- Jasmi, Kamarul Azmi. (2020). *Pembangunan Insan Soleh Menurut Perspektif Imam al-Nawawi*. Skudai Johor: Penerbit UTM Press.
- Jasmi, Kamarul Azmi, & Md Saleh @ Masrom, Siti Fauziyani. (2005). *Kecemerlangan Wanita Profesional Mengimbangi Tugas Rumah tangga dan Kerjaya: Perspektif Islam*. Kertas kerja Dibentangkan di Seminar Wanita Profesional, Main Hall of Faculty of Education, Universiti Malaya. [http://eprints.utm.my/41142/1/JasmiKA2005\\_KecemerlanganWanitaProfesionalMengimbangiTugas.pdf](http://eprints.utm.my/41142/1/JasmiKA2005_KecemerlanganWanitaProfesionalMengimbangiTugas.pdf)

- Jasmi, Kamarul Azmi, & Md Salleh, Siti Fauziyani. (2007). *Pendidikan dan Pembangunan Keluarga Cemerlang*. Skudai Johor Bahru: Penerbit UTM.
- Jasmi, Kamarul Azmi, & Md. Saleh @ Masrom, Siti Fauziyani. (2020). *Didiklah Kami Dengan Sempurna*. Kuala Lumpur: Dewan Bahasa dan Pustaka.
- Jasmi, Kamarul Azmi, Muhammad, Azhar, & Mohamed, Ahmad Kilani. (2004). *Asas Kebahagiaan Rumahtangga Mengikut Paradigma al-Nawawi*. Kertas kerja Dibentangkan di Seminar Pembangunan Keluarga Kebangsaan 2004, Main Hall, University of Malaya Centre for Family Development (UMCFD) Faculty of Education, Universiti Malaya. [http://eprints.utm.my/20790/1/JasmiKA2004\\_AsasKebahagiaanRumahtanggaMengikutParadigmaal-Nawawi.pdf](http://eprints.utm.my/20790/1/JasmiKA2004_AsasKebahagiaanRumahtanggaMengikutParadigmaal-Nawawi.pdf)
- Jasmi, Kamarul Azmi, Mustari, Mohd, & Mohamed, Ahmad Kilani. (2004). Pendidikan Akhlak kepada Allah SWT: Nadi Penggerak Pembangunan Peradaban Insan.
- Jasmi, Kamarul Azmi, & Suratman, Azmi Shah. (2007). Pembangunan Modal Insan yang Sempurna Menurut Perspektif Al-Imam-Al-Nawawi.
- Jasmi, Kamarul Azmi, & Tamuri, Ab Halim. (2011). *Dasar Akidah Muslim*. Skudai Johor: Penerbit UTM.
- Kamus Dewan*. (2005). *Kamus Dewan* (Edisi Keempat ed.). Kuala Lumpur: Dewan Bahasa dan Pustaka.
- Kamus Pelajar*. (2015). *Kamus Pelajar Bahasa Malaysia*. Kuala Lumpur: Dewan Bahasa dan Pustaka.
- Mahmud, Badwi. (2010). *100 Pesan Nabi Untuk Wanita: Penuntun Akhlak dan Ibadah*. Bandung: PT Mizan Publika.
- Mohd Isa, Arif Fahmi, Yahya, Muhd. Aizat, & Jasmi, Kamarul Azmi (2012). Wanita dan Perkahwinan dalam Islam. *Prosiding Seminar Tamadun 2012*, 13.
- Mohd Noor, Umar Mukhtar (2016). Irsyad al-Hadith Siri Ke-33: Hadis Penciptaan Hawa Daripada Tulang Rusuk. Retrieved from <http://muftiwp.gov.my/ms/artikel/irsyad-al-hadith/1518-irsyad-al-hadith-siri-ke-33-hadis-penciptaan-hawa>
- Mohd Nor, Nor Shelida, & Jasmi, Kamarul Azmi. (2006a). *Persepsi Mahasiswa Terhadap Urusan Rumahtangga Dan Kerjaya: satu Kajian Terhadap Mahasiswa Tahun Akhir Ijazah Sarjana Muda Sains Serta Pendidikan (pengajian Islam)*. (Sarjana Muda), Universiti Teknologi Malaysia, Skudai Johor.
- Mohd Nor, Nor Shelida, & Jasmi, Kamarul Azmi. (2006b). *Persepsi Mahasiswa Terhadap Urusan Rumahtangga dan Kerjaya: Satu Kajian Terhadap Mahasiswa Tahun Akhir Ijazah Sarjana Muda Sains serta Pendidikan (Pengajian Islam)*. (Bachelor's), Universiti Teknologi Malaysia, Skudai, Johor. Retrieved from <http://merr.utm.my/9755/>
- Mohd Yusof, Ahmad Nazri (2017, Februari 15). Memahami Matlamat Perkahwinan. *BH online*.
- Muhammad, Azhar, & Jasmi, Kamarul Azmi. (2004a). *Etika Islam Terhadap Peranan Institusi Keluarga dalam Pendidikan Kerjaya Anak-anak*. Kertas kerja Dibentangkan di Seminar Pembangunan Kerjaya Abad 21, Main Hall, Faculty of Education, Universiti Malaya. [http://eprints.utm.my/41121/1/MuhammadA2004\\_EtikaIslamTerhadapPerananInstitusiKeluargadalamPendidikanKerjayaAnak.pdf](http://eprints.utm.my/41121/1/MuhammadA2004_EtikaIslamTerhadapPerananInstitusiKeluargadalamPendidikanKerjayaAnak.pdf)
- Muhammad, Azhar, & Jasmi, Kamarul Azmi. (2004b). *Pengabaian Tanggungjawab Suami Terhadap Hak Isteri di Kalangan Orang-orang Melayu*. Kertas kerja Dibentangkan di Seminar Pembangunan Keluarga Kebangsaan 2004, Main Hall, Faculty of Education, Universiti Malaya. [http://eprints.utm.my/20788/1/MuhammadA2004\\_%20Pengabaian%20Tanggungjawab%20Suami%20Terhadap%20Hak%20Isteri%20dalam%20Kalangan%20Orang%20Melayu.pdf](http://eprints.utm.my/20788/1/MuhammadA2004_%20Pengabaian%20Tanggungjawab%20Suami%20Terhadap%20Hak%20Isteri%20dalam%20Kalangan%20Orang%20Melayu.pdf)
- Muslim, al-Hajjaj. (t.th.). *Sahih Muslim* (Vol. 1-8). Beirut: Dar al-Fikr.
- Mustari, Mohd Ismail Bin, Mohamed, Ahmad Kilani, Jasmi, Kamarul Azmi, & Ya'akob, Robiah. (2004). *Pembentukan Nilai dan Kecemerlangan Bagi Melahirkan Generasi Muda yang Mapan dalam Menghadapi Era Pasca Modernisme*. Kertas Kerja Dibentangkan di Seminar Antarabangsa Nilai Dalam Komuniti Pasca Modernisme, 2004.
- Nubli Muhammad, Abdul Wahab. (1997). *Persediaan Belia Islam untuk Berkahwin: Kajian dari Sudut Pengetahuan dan Amalan*. (Sarjana Project Paper Report), Universiti Putra Malaysia, Universiti Putra Malaysia, Seri Kembangan.
- Putung, Siti Halimah, & Ag Basir, Dg Hafizah. (2017). Penglibatan Suami dalam Kerja-Kerja Rumah Tangga: Kajian Kes di Sabah. *Jurnal Fiqh*, 14(2017), 1-26.
- Rashid, Abd Rahim Abd, Hussin, Sufean, & Hassan, Che Hashim. (2006). *Krisis dan konflik institusi keluarga*. Kuala Lumpur: Utusan Publications Distributer Sdn Bhd.
- Sabiq, Sayid. (1994). *Akidah Islam Pola Hidup Manusia Beriman* (Vol. 2). Kyodo Printing Co (S'pore) Pte Ltd 112 Neythal Road, Jurong Town. Singapore 2262: Pustaka Nasional Pte Ltd Singapura.
- Sani, Mohamad. (2013). *Persediaan Belia Islam Untuk Berkahwin dari Sudut Pengetahuan, Sikap dan Amalan*. Kolej Universiti Insaniah, Alor Setar.
- Taher, Tarmizi. (2003). *Menyegarkan Akidah Tauhid Insani Mati di Era Klenik*. Kuala Lumpur: Darul Fikir.

# 1

## PERSEDIAAN ASAS KE GERBANG PERKAHWINAN

Muhammad Shafiq Mohamad Fauzi  
Siti Nur Akira Mohd Sofian  
Kamarul Azmi Jasmi

### Abstrak

*Perkahwinan merupakan sebutan yang cukup indah dalam kalangan para 'syabab dan akhawat' kerana perkahwinan adalah sunah al-hayat yang ditentukan sejak kewujudan nabi Adam AS oleh Allah SWT kepada kaum Adam dan Hawa. Namun kini, segelintir anak-anak muda yang mahu mendirikan rumahtangga tidak memahami asas perkahwinan yang perlu wujud sebelum melangkah ke alam itu, malah ada yang takut untuk melangkah ke alam perkahwinan. Individu yang ingin berkahwin perlulah memahami serta mempelajari asas perkahwinan seperti ilmu melibatkan akidah, ibadat, akhlak serta tanggungjawab suami isteri sebagai persediaan awal sebelum melangkah ke gerbang perkahwinan.*

**Kata Kunci:** *Perkawahwinan, akidah, ibadat, akhlak, tanggungjawab suami, tanggungjawab isteri*

## PENDAHULUAN

Perkahwinan yang berjaya boleh dibina dari peringkat awal perkahwinan yang mantap (Nubli Muhammad, 1997; Muhammad & Jasmi, 2004a; Jasmi, K. A., 2005; Jasmi, K. A. & Md Salleh, 2007). Permulaan perkahwinan yang bagus perlu ditekankan agar ikatan perkahwinan yang bakal dijalinakan dapat berjalan dengan lancar mengikut syariat dan hukum dalam Islam. Dalam konteks ini, individu tersebut perlu bersedia untuk menjalankan tugas dan tanggungjawab dalam kehidupan berumah tangga (Hamzah, N. & Jasmi, 2020). Individu tersebut perlu melengkapkan diri mereka dengan persediaan yang sewajarnya bagi mendapat gambaran yang jelas tentang suasana dan tugas sebagai seorang suami mahupun isteri seterusnya sebagai seorang ayah dan ibu kepada anak-anak mereka. Kegagalan menyediakan diri untuk berkahwin akan membawa bencana yang buruk dalam keluarga tersebut (Muhammad & Jasmi, 2004b; Rashid *et al.*, 2006; Sani, 2013).

Demi menjamin kehidupan masyarakat yang bermoral, semua bakal pengantin harus mempersiapkan diri mereka dari segi mental dan fizikal agar menjadi suami isteri seterusnya ibu bapa yang akan menjalankan tugas dan peranan mereka dengan berjaya. Pada lazimnya, adakah persediaan ini mencukupi bagi membolehkan mereka menjalankan tugas dan peranan dengan baik? Bagi menjawab persoalan ini, kertas kerja ini akan menerangkan tentang persediaan asas ke gerbang perkahwinan.

### Perkahwinan dan Penceraian

Sebelum hadirnya Islam, tiada undang-undang yang sempurna yang dapat mengurus hubungan antara kaum lelaki dan wanita (Sani, 2013). Pihak lelaki selalunya akan merasakan diri mereka lebih hebat dan perkasa dari wanita. Pada zaman jahiliah juga, kaum wanita hanya akan dijadikan sebagai objek pemuas nafsu lelaki. Perkahwinan pada masa dahulu tidak didirikan dengan penuh rasa kasih sayang (Abdul Hamid, 2015). Perkahwinan pada asasnya didorong oleh sifat ego kelakian dan perasaan untuk menguasai kaum wanita yang bersifat lemah. Tanpa didikan agama dan persediaan perkahwinan pada zaman itu, seorang lelaki atau suami mempunyai kuasa sepenuhnya untuk menceraikan isterinya dengan mudah apabila mereka berasa bosan. Di negara Amerika Syarikat, hampir keseluruhan penduduknya bukan beragama Islam, dan kebanyak daripada

mereka juga bukan pengamal agama Kristian. Apa yang terjadi adalah menunjukkan lebih 50 peratus dari perkahwinan yang terjalin bercerai dan merekodkan antara nisbah tertinggi diseluruh dunia (Carole *et al.*, 2010).

Selain daripada itu, masalah yang terjadi pada pasangan suami isteri daripada kesan perkahwinan tanpa persediaan di negara Barat ialah hubungan pasangan tidak mesra, kurang pengetahuan tentang peranan masing-masing, curang dan putus asa dalam hidup (Carole *et al.*, 2010). Masalah perkahwinan seperti yang terjadi di negara Barat perlu diambil pengajaran terutamanya individu yang bakal berkahwin agar mereka dapat menjaga kesejahteraan keluarga mereka justeru membina sebuah masyarakat yang bermoral (Arriffin *et al.*, 2012).

### **Persediaan untuk Berkahwin**

Islam menetapkan proses permulaan seperti sebelum, semasa dan selepas perkahwinan yang tersusun agar rumah tangga yang dibina membawa kegembiraan kepada kedua-dua belah pihak (Jasmi, K. A., Muhammad, *et al.*, 2004; Jasmi, K. A., 2005, 2018e). Bakal suami dan isteri tersebut perlu melengkapkan diri mereka dengan persiapan sebelum berkahwin agar gambaran dan suasana dalam perkahwinan lebih jelas dan mereka dapat menjalankan tanggungjawab dan peranan dengan baik, seterusnya mengelakkan berlakunya perbalahan dan perceraian dalam rumah tangga (Nubli Muhammad, 1997; Mohd Nor & Jasmi, 2006b). Arahan ini terang dan jelas sebagaimana maksud hadis (Al-Bukhari, 2001: 5090; Muslim, t.th.: 1466):

عَنْ أَبِي هُرَيْرَةَ رَضِيَ اللَّهُ عَنْهُ، عَنِ النَّبِيِّ صَلَّى اللَّهُ عَلَيْهِ وَسَلَّمَ، قَالَ: «تُنكِحُ الْمَرْأَةَ لِأَرْبَعٍ: لِمَالِهَا، وَلِحَسْبِهَا، وَلِجَمَالِهَا، وَلِدِينِهَا، فَاطْفَرِ بَدَاتِ الدِّينِ تَرَبَّتْ يَدَاكَ.»

Maksud: *Abu Hurayrah RA menceritakan bahawa Nabi SAW bersabda, "Wanita dikahwini kerana empat perkara, "Hartanya, keturunannya, kecantikannya, dan agamanya." Maka pilihlah yang memiliki agama, nescaya selamat tanganmu."*

(Al-Bukhari dan Muslim)

Islam meneliti dan menentukan persediaan untuk berkahwin itu bermula dengan persiapan individu tersebut. Lelaki dan perempuan yang bakal berkahwin itu mesti mempersiapkan diri mereka dari segi fizikal dan mental dengan membina keperibadian Muslim yang baik seterusnya memilih pasangan hidup yang baik antara satu sama lain (Basiron & Mhod Shubari, 2015). Mereka harus menyiapkan diri mereka dengan pengetahuan asas, ilmu tentang tanggungjawab kekeluargaan dan peranan yang perlu mereka jalankan dalam kehidupan rumah tangga mereka.

Selain itu, bakal suami umpama ketua dalam sebuah keluarga harus mempunyai keupayaan memimpin dan menunaikan nafkah kepada isteri dan anak-anak mereka. Setelah perkahwinan berlangsung, pasangan yang mempunyai persediaan ini harus sentiasa memperbaiki kelebihan dan kekurangan diri dalam mengendalikan urusan rumah tangga (Nubli Muhammad, 1997). Kesan dari persediaan ini, sebuah keluarga yang mantap akan terbina seperti mana yang dibuktikan melalui sirah perkahwinan Rasulullah SAW dan para sahabat baginda RA.

### **Asas Perkahwinan**

Perkahwinan merupakan asas pembentukan bagi sesebuah keluarga dan seterusnya dalam perkembangan sesebuah masyarakat (Jasmi, K. A. & Md. Saleh @ Masrom, 2020; Jasmi, K. A., 2020). Secara umumnya, konsep sesebuah perkahwinan itu adalah sama namun berbeza dari segi perlaksanaannya berdasarkan adat resam, budaya, dan agama setiap orang. Menurut Islam, perkahwinan atau boleh disama erti sebagai pernikahan membawa maksud satu akad

yang meghalalkan hubungan antara seorang suami dan isteri dalam cara yang dibenarkan oleh syarak (Chek, 2010; *Kamus Dewan*, 2005; *Kamus Pelajar*, 2015).

Umum mengetahui bahawa pernikahan itu merupakan satu tuntutan fitrah dan manusia yang sentiasa mempunyai keinginan untuk hidup secara berpasangan, sama seperti waktu ketika Allah SWT menciptakan Hawa dari tulang rusuk Nabi Adam AS bagi menemani dan menjadi pasangan hidup buat baginda (Mohd Noor, 2016). Hal ini jelas dapat dilihat menerusi Firman Allah SWT:

خَلَقَكُمْ مِنْ نَفْسٍ وَاحِدَةٍ ثُمَّ جَعَلَ مِنْهَا زَوْجَهَا

Maksud: *Dia (Allah) menciptakan kamu daripada diri yang satu (Adam), kemudian Ia menjadikan daripadanya isterinya (Hawa).*

(Surah *al-Zumar*, 39: 6)

Kenyataan ini dijelaskan lagi oleh Allah SWT menerusi firmanNya dalam ayat yang lain:

يَا أَيُّهَا النَّاسُ اتَّقُوا رَبَّ الَّذِي خَلَقَكُمْ مِنْ نَفْسٍ وَاحِدَةٍ وَخَلَقَ مِنْهَا زَوْجَهَا وَبَثَّ مِنْهُمَا رِجَالًا كَثِيرًا وَنِسَاءً وَاتَّقُوا اللَّهَ الَّذِي تَسَاءَلُونَ بِهِ وَالْأَرْحَامَ إِنَّ اللَّهَ كَانَ عَلَيْكُمْ رَقِيبًا

Maksud: *Wahai sekalian manusia! Bertaqwalah kepada Tuhan kamu yang menjadikan kamu (bermula) dari diri yang satu (Adam), dan yang menjadikan daripada (Adam) itu pasangannya (isterinya - Hawa), dan juga yang membiakkan dari keduanya - zuriat keturunan - lelaki dan perempuan yang ramai. Dan bertaqwalah kepada Allah yang kamu selalu meminta dengan menyebut-yebut nama-Nya, serta peliharalah hubungan (silaturrahim) kaum kerabat; kerana sesungguhnya Allah sentiasa memerhati (mengawas) kamu. (1)*

(Surah *al-Nisa*, 4:1)

Menerusi ayat yang diberikan, maka jelaslah bahawa pernikahan itu merupakan satu fitrah bagi memenuhi tuntutan bukan sahaja sebagai umat Islam tetapi juga sebagai seorang manusia yang sentiasa memerlukan pasangan bagi menjalani kehidupan.

### **Akidah**

Akidah dari segi bahasa membawa maksud ikatan atau menyimpul sesuatu (Al-Banna, 1986; Sabiq, 1994; al-Buraikan, 1998; Al-Jazairi, 1999; Taher, 2003; Awang, Ramli 2005; Ismail, 2009; Jasmi, K. A. & Tamuri, 2011; Ismail & Jasmi, 2016). Manakala dari segi istilah pula bermaksud kepercayaan, keyakinan atau Iman dalam diri seseorang serta luarannya. Selain daripada itu juga, Akidah turut membawa maksud menurut al-Quran sebagai keyakinan lisan dan hati serta menyakini kewujudan Allah SWT sebagai Sang Pencipta bagi seluruh makhluk serta bersifat Esa. Hal ini merupakan pegangan wajib dalam Islam terutama bagi seseorang yang bergelar Muslim. Firman Allah SWT:

قُلْ هُوَ اللَّهُ أَحَدٌ ۝ اللَّهُ الصَّمَدُ ۝ لَمْ يَلِدْ وَلَمْ يُولَدْ ۝ (۱) وَلَمْ يَكُن لَّهُ كُفُوًا أَحَدٌ ۝ (۲) (۳)

Maksud: *Katakanlah (wahai Muhammad), "(Tuhanku) ialah Allah Yang Maha Esa; (1) Allah Yang menjadi tumpuan sekalian makhluk untuk memohon sebarang hajat; (2) Ia tiada beranak, dan Ia pula tidak diperanakkan; (3) dan tidak ada sesiapaupun yang serupa dengan-Nya." (4)*

(Surah *al-Ikhlās*, 112: 1-4)

Dalam pernikahan, setiap pasangan haruslah menerapkan serta mengamalkan dengan rukun Islam yang lima bagi memperkukuh keyakinan terhadap agama serta keEsaan Allah SWT (Jasmi, K. A., 2018a, 2018b). Suami haruslah memberi didikan dan panduan bukan sahaja kepada isteri, tetapi juga kepada anak-anak agar menjadi insan yang mempunyai penetapan akidah yang kukuh dalam diri (Alias, 2018). Tanpa asas akidah yang kukuh dalam diri seseorang Muslim mampu memberi kesan terhadap kehidupan dan pegangan Muslim itu sendiri dan boleh menyebabkan mereka terjerumus dalam kesesatan yang nyata (Ismail, 2009; Jasmi, K. A. & Tamuri, 2011; Awang, Ramli, 2012; Ismail & Jasmi, 2016). Firman Allah SWT:

إِنَّ اللَّهَ لَا يَغْفِرُ أَنْ يُشْرَكَ بِهِ وَيَغْفِرُ مَا دُونَ ذَلِكَ لِمَنْ يَشَاءُ وَمَنْ يُشْرِكْ بِاللَّهِ فَقَدِ افْتَرَىٰ إِثْمًا عَظِيمًا ﴿٤٨﴾

Maksud: *Sesungguhnya Allah tidak akan mengampunkan dosa syirik, dan Dia boleh mengampunkan dosa yang selain daripada itu bagi siapa yang dikehendaki-Nya. Barangsiapa yang mempersekutukan Allah, maka sungguh dia melakukan dosa yang besar.*”

(Surah *al-Nisa*, 4: 48)

Maka secara kesimpulannya, akidah merupakan satu perkara yang wajib untuk dipelajari dan diterapkan bukan sahaja pada individu, malah dalam institusi kekeluargaan itu sendiri agar umat Islam terus terhindar dari perkara yang mampu menyesatkan dan beroleh kejayaan dunia dan juga di akhirat.

### ***Ibadah***

Dalam sesebuah institusi kekeluargaan, ibadah adalah antara perkara utama yang harus dititiberatkan bagi melahirkan keluarga yang lebih harmoni (Al-Qaradawi, 1995; Mahmud, 2010; Jasmi, A. K., 2016). Ibadah atau ibadat merupakan satu bukti ketaatan serta pengabdian diri umat manusia terutama bagi seorang Muslim dalam menyatakan kecintaan, keyakinan serta kesyukuran terhadap Sang Maha Pencipta (Al-Qaradawi, 1995; Jasmi, A. K., 2016; Jasmi, K. A., 2018c, 2018d). Pengabdian ini haruslah dilakukan dengan kesungguhan dan keikhlasan bagi meraih ganjaran serta keredaan Allah SWT di dunia mahupun di akhirat. Firman-Nya:

وَمَا خَلَقْتُ الْجِنَّ وَالْإِنْسَ إِلَّا لِيَعْبُدُونِ ﴿٥٦﴾

Maksud: *Dan aku tidak menciptakan jin dan manusia melainkan supaya mereka mengabdikan kepada-Ku.*

(Surah *al-Zariyat*, 51: 56)

Penerapan amalan ibadah tidak kira sama ada yang wajib mahupun yang sunat adalah dituntut dalam Islam. Setiap pasangan seharusnya memainkan peranan yang penting dalam membentuk sahsiah diri serta disiplin dalam menerapkan amalan ibadah sebelum dan selepas pernikahan. Ibadah boleh kepada tiga (3) kategori, iaitu *Ibadah Qalbiyah* (dengan hati), *Ibadah Lisaniyah Qalbiyah* (Lisan atau Zikir) dan *Ibadah Badaniyah Qalbiyah* (Perbuatan anggota fizikal).

Berdasarkan kepada tiga kategori yang ditetapkan, ibadah boleh dibahagikan kepada dua jenis kewajipan bagi pelaksanaan ibadah tersebut, iaitu secara umum ibadah yang khusus, yakni ibadah yang wajib dilaksanakan bagi setiap orang atau sesetengah daripadanya berdasarkan syarat dan tata tertib yang digariskan. Manakala jenis yang ke dua (2) adalah ibadah yang umum, iaitu setiap perkara atau perbuatan seharian yang dilakukan sama ada dalam pekerjaan atau ketika melakukan kegiatan aktiviti selagi mana berlandaskan syariat yang jelas. Adalah menjadi keutamaan untuk pasangan mahupun individu bagi melaksanakan ibadah tidak kira secara umum mahupun

secara khusus sebagai seorang Muslim bagi meraih kecintaan, keredaan serta ganjaran dalam kehidupan seharian. Kenyataan ini sesuai dengan hadis berikut (Al-Bukhari, 2001: 6502):

عَنْ أَبِي هُرَيْرَةَ رَضِيَ اللَّهُ عَنْهُ، قَالَ: « قَالَ رَسُولُ اللَّهِ ﷺ: «إِنَّ اللَّهَ قَالَ: «مَنْ عَادَى لِي وَلِيًّا فَقَدْ آذَنْتُهُ بِالْحَرْبِ، وَمَا تَقَرَّبَ إِلَيَّ عَبْدِي بِشَيْءٍ أَحَبَّ إِلَيَّ مِمَّا افْتَرَضْتُ عَلَيْهِ، وَمَا يَزَالُ عَبْدِي يَتَقَرَّبُ إِلَيَّ بِالتَّوَافِلِ حَتَّى أُحِبَّهُ، فَإِذَا أَحْبَبْتُهُ: كُنْتُ سَمْعَهُ الَّذِي يَسْمَعُ بِهِ، وَبَصَرَهُ الَّذِي يُبْصِرُ بِهِ، وَيَدَهُ الَّتِي يَبْطِشُ بِهَا، وَرِجْلَهُ الَّتِي يَمْشِي بِهَا، وَإِنْ سَأَلَنِي لِأَعْطِيَنَّهُ، وَلَئِنِ اسْتَعَاذَنِي لِأَعِيذَنَّهُ، وَمَا تَرَدَّدْتُ عَنْ شَيْءٍ أَنَا فَاعِلُهُ تَرَدَّدِي عَنْ نَفْسِ الْمُؤْمِنِ، يَكْرَهُ الْمَوْتَ وَأَنَا أَكْرَهُ مَسَاءَتَهُ.»

Maksud: *Abu Hurayrah RA berkata, "Rasulullah SAW bersabda, "Allah SWT berfirman, "Siapa saja yang memusuhi wali-Ku, maka aku mengumumkan perang terhadapnya. Tidaklah hamba-Ku mendekatkan diri kepada-Ku dengan sesuatu yang lebih Aku cintai dibandingkan amal yang Aku wajibkan kepadanya. Dan tidaklah hamba-Ku terus-menerus mendekatkan diri kepada-Ku dengan amal sunnah, sampai Aku mencintainya. Jika Aku sudah mencintainya, Aku menjadi pendengaran yang dia gunakan untuk mendengar; menjadi penglihatan yang dia gunakan untuk melihat; menjadi tangan yang dia gunakan untuk memegang; dan menjadi kaki yang dia gunakan untuk berjalan. Jika dia meminta kepada-Ku, sungguh akan Aku beri. Jika dia meminta perlindungan kepada-Ku, sungguh akan Aku lindungi."*

(Al-Bukhari)

Perlaksanaan ibadah dalam kehidupan seharian dapat mendekatkan lagi diri kita dengan sang Maha Pencipta, Allah SWT bagi meraih keredaan-Nya di dunia dan akhirat. Amalan Ibadah yang sunat juga dapat melayakkan kita untuk menerima syafaat dari baginda Rasulullah SAW di Mashyar kelak. Semoga kita sentiasa tergolong dalam orang yang sentiasa beribadah dan seterusnya diterima oleh Allah SWT.

### **Akhlak**

Akhlak atau adab merujuk kepada perbuatan, perilaku atau tindakan seseorang. Akhlak dalam Islam memiliki aturan dan batasan berlandaskan syariat dan penetapan yang digariskan melibatkan seluruh aspek kehidupan (Jasmi, K. A., 2002; Jasmi, K. A., Mustari, et al., 2004; Mustari et al., 2004; Jasmi, K. A. & Suratman, 2007). Setiap Umat Islam wajib menunjukkan akhlak dan perilaku yang sopan yang digariskan bagi menunjukkan sifat yang terpuji serta menjadi contoh bukan sahaja kepada orang sekeliling tetapi juga kepada masyarakat lainnya. Satu hadis menjelaskan (Ahmad, 2001: 8952):

عَنْ أَبِي هُرَيْرَةَ رَضِيَ اللَّهُ عَنْهُ، قَالَ: قَالَ رَسُولُ اللَّهِ ﷺ: «إِنَّمَا بُعِثْتُ لِأَتَمِّمَ صَالِحَ الْأَخْلَاقِ.»

Maksud: *Abu Hurayrah RA berkata, "Rasulullah SAW bersabda, "Sesungguhnya tidak aku diutuskan melainkan untuk menyempurnakan kebaikan akhlak."*

(Ahmad)

Keluarga yang mempunyai akhlak yang terpuji secara tidak langsung akan memberi kesan kepada masyarakat serta dalam institusi kekeluargaan itu sendiri. Penetapan Akhlak dalam Islam mempunyai kedudukan yang penting bagi melahirkan generasi yang sejahtera. Didikan



Akhlak atau adab haruslah diberikan pada setiap ahli dalam keluarga sejak dari awal bagi mengukuhkan lagi konsep pendekatan Islam secara menyeluruh.

Kegagalan pasangan dalam memahami dan mendalami konsep akhlak ini mampu memberi kesan yang negatif bukan sahaja kepada pasangan, malah turut membabitkan masyarakat dan Islam itu sendiri. Adalah menjadi tanggungjawab setiap umat Islam dalam sentiasa menasihati dan berbudi antara satu sama lain agar dapat mengeratkan lagi silaturahmi dalam sesebuah masyarakat. Hal ini secara tidak langsung mampu melahirkan komuniti yang lebih berbudi serta mencerminkan nilai Islam itu sendiri (Faridah & Sarina Aini, 2006).

## TANGGUNGJAWAB SUAMI ISTERI DALAM ISLAM

Allah SWT menjadikan lelaki dan perempuan menjadi satu ikatan yang sah untuk memenuhi fitrah berkasih sayang dan saling melengkapi antara satu sama lain. Sudah semestinya anak muda yang mahu berkahwin membayangkan perkahwinan yang indah-indah belaka tetapi haruslah di ingatkan bahawa “suami bukan malaikat, isteri bukan bidadari”. Kelemahan serta kekurangan pasangan haruslah dilengkapi dengan tanggungjawab bagi memastikan keluarga dapat dibina dalam keadaan yang harmoni (Jasmi, K. A., Muhammad, et al., 2004; Jasmi, K. A. & Md Saleh @ Masrom, 2005; Mohd Nor & Jasmi, 2006a). Sungguhpun demikian pembahagian tanggungjawab haruslah mengikut tetapan dalam Islam. Sekiranya tanggungjawab tidak dilaksanakan dengan sebaiknya, makan konflik serta masalah akan timbul dalam rumahtangga dan akibatnya boleh membawa kearah penceraian (Putung & Ag Basir, 2017).

### Tanggungjawab Suami

Suami merupakan ketua ataupun pemimpin dalam sesebuah keluarga. Sekiranya baik pimpinannya maka baiklah keturunan sebagaimana firman Allah SWT:

هُنَّ لِبَاسٌ لَكُمْ وَأَنْتُمْ لِبَاسٌ لَهُنَّ

Maksud: Mereka itu adalah pakaian bagimu dan kamu pun adalah pakaian bagi mereka.

(Surah al-Baqarah, 2: 187)

Justeru, tanggungjawab yang dipikul oleh seorang suami amatlah besar. Antara tanggungjawab seorang suami ialah adil, nafkah, perlindungan, pendidikan, serta melayan dan menggauli isteri dengan lemah lembut.

### Adil

Adil merupakan salah satu tanggungjawab yang paling utama sebagai seorang suami terhadap isterinya kerana isteri merupakan amanah Allah SWT yang diserahkan kepada suami. Hal ini sebagaimana firman-Nya:

وَإِنْ خِفْتُمْ أَلَّا تَقْسُطُوا فِي الْيَتَامَىٰ فَانكِحُوا مَا طَابَ لَكُمْ مِنَ النِّسَاءِ مَثْنَىٰ وَثُلَاثَ وَرُبْعَ فَإِنْ خِفْتُمْ أَلَّا تَعْدِلُوا فَوَاحِدَةً أَوْ مَا مَلَكَتْ أَيْمَانُكُمْ ذَلِكَ آدَابُ اللَّهِ لَا تَعُولُوا

Maksud: Dan jika kamu takut tidak akan dapat berlaku adil terhadap perempuan yatim (apabila kamu berkahwin dengan mereka), maka berkahwinlah dengan wanita (lain) yang kamu senangi, dua, tiga atau empat. Tetapi jika kamu takut tidak dapat berlaku adil, maka berkahwin dengan

*seorang sahaja, atau hamba sahaya yang kamu miliki. Yang demikian itu adalah lebih dekat untuk tidak melakukan kezaliman.*

(Surah *al-Nisa'*, 4: 3)

Ayat tersebut menunjukkan bahawa suami haruslah adil dalam menjaga amanah yang diberikan oleh Allah SWT kepadanya. Jika seorang suami mengahwini lebih dari seorang isteri maka perlulah suami tersebut berlaku adil dalam memenuhi keperluan si isteri tanpa melebih-lebihkan salah seorang daripadanya (Mohd Yusof, 2017).

### **Nafkah**

Nafkah adalah perkara yang wajib ditunaikan oleh seorang suami terhadap isteri dan anak-anak dalam hidup berumahtangga. Nafkah boleh dibahagikan kepada dua, iaitu Nafkah zahir dan juga nafkah batin. Pemberian nafkah ini adalah menjadi kewajipan yang harus ditunaikan dalam apa jua keadaan selagi mana suami berkemampuan (Daud, Mustafa, 1991; Jasmi, K. A., 2008; Jasmi, K. A. & Md Salleh, 2007; Isa et al., 2012). Hal ini amat ditekankan al-Quran sebagaimana firman Allah SWT:

وَعَلَى الْمَوْلُودِ لَهُ رِزْقُهُنَّ وَكِسْوَتُهُنَّ بِالْمَعْرُوفِ

Maksud: *Dan kewajipan bapa pula ialah memberi makan dan pakaian kepada ibu itu menurut cara yang sepatutnya.*

(Surah *al-Baqarah*, 2: 233)

Oleh kerana itu, 'Aisyah RA meriwayatkan bahawa suatu hari Hindun pernah mengadu kepada Rasulullah SAW berkenaan suaminya, Abu Sufyan yang tidak memberikan nafkah yang cukup kepadanya dan anaknya. Melihat keadaan itu, maka Rasulullah SAW bersabda (Al-Bukhari, 2001: 5364):

خُذِي مَا يَكْفِيكِ وَوَلَدِكَ، بِالْمَعْرُوفِ.

Maksud: *Ambillah (daripada harta Abu Sufyan) apa yang mencukupkan kamu dan anak kamu secara baik.*

(Al-Bukhari)

Merujuk kepada hadis ini ini menunjukkan bahawa isu nafkah tidak boleh dipandang mudah oleh si suami (Abdullah, 2019). Pemberian nafkah oleh suami merangkumi nafkah zahir dan batin adalah mengikut kemampuannya. Nafkah yang dititik beratkan adalah keperluan asas, iaitu menyediakan tempat tinggal, makanan serta pakaian yang mencukupi mengikut keperluan. Selain dari menyediakan keperluan asas, suami juga hendaklah memberikan wang saku kepada si isteri supaya memudahkan isteri membeli keperluan yang lain. Nafkah anak-anak juga merupakan tanggungjawab suami (Daud, Mustafa, 1991; Ilahi, 2000; Daud, Mustafa, 2005; Abdul Jamal & Jasmi, 2006; Jasmi, K. A., 2008; Isa et al., 2012; Mohd Yusof, 2017). Pemberian nafkah ini sangat tinggi pahalanya dalam Islam sebagaimana kenyataan hadis (Muslim, t.th.: 994):

عَنْ نَوْبَانَ رَضِيَ اللَّهُ عَنْهُ قَالَ: «قَالَ رَسُولُ اللَّهِ ﷺ: «أَفْضَلُ دِينَارٍ يُنْفِقُهُ الرَّجُلُ دِينَارٍ يُنْفِقُهُ عَلَى عِيَالِهِ وَدِينَارٍ يُنْفِقُهُ الرَّجُلُ عَلَى دَابَّتِهِ فِي سَبِيلِ اللَّهِ وَدِينَارٍ يُنْفِقُهُ عَلَى أَصْحَابِهِ فِي سَبِيلِ اللَّهِ.»

Maksud: *Thawban RA berkata; Rasulullah SAW bersabda, "Sebaik-baik dinar (wang atau harta) yang dinafkahkan seseorang ialah dinar yang dinafkahkan untuk keluarganya, dan dinar yang dinafkahkan untuk ternakan tunggangnya (kenderaan) yang digunakan di jalan Allah dan dinar yang dinafkahkan untuk para sahabatnya yang berjuang di jalan Allah."*

(Muslim)

Terbukti nafkah yang dibelanjakan untuk keluarga merupakan antara perbelanjaan yang sangat besar dan tinggi di sisi agama Islam. Oleh itu, wajar untuk para suami menjadikan perbelanjaan ini menjadi salah satu peberlanjaan yang dirancang dengan baik dan disempurnakan.

### **Perlindungan**

Perlindungan yang dimaksudkan ialah menyediakan tempat kediaman yang selesa kepada isteri supaya si isteri berasa bebas dan tidak perlu khuatir dengan keadaan dirinya serta aurat yang perlu dijaga (Ilahi, 2000; Jasmi, K. A., 2008; Mohd Isa *et al.*, 2012). Firman Allah SWT yang berbaksud:

أَسْكِنُوهُنَّ مِّنْ حَيْثُ سَكَنْتُمْ مِّنْ وَجْدِكُمْ وَلَا تَضَارُّوهُنَّ لِيُضَيِّقُوا عَلَيْهِنَّ

Maksud: *Tempatkanlah mereka (isteri kamu) di mana kamu bertempat tinggal sekadar menurut kemampuanmu dan janganlah kamu mempersulitkan mereka supaya sempit kehidupan mereka.*

(Surah *al-Talaq*, 65: 6)

Seorang suami haruslah bertanggungjawab dalam memberikan perlindungan yang sewajarnya kepada isteri dari segala perkara yang boleh mendatangkan mudarat. Sesungguhnya suami yang baik adalah suami yang menjaga kehormatan serta peribadi seorang isteri.

### **Pendidikan**

Pendidikan Islam amatlah penting untuk diketahui dan dipraktikkan dalam kehidupan seharian seseorang individu tersebut. Namun bagi seorang suami pendidikan ini amatlah penting untuk dipelajari agar memudahkan si suami untuk memberi tunjuk ajar serta nasihat mengenai hukum Islam dalam hal fardu ain kepada isteri serta anak-anak (Jasmi, K. A., 2005; Jasmi, K. A. & Md Salleh, 2007). Firman Allah SWT:

الرِّجَالُ قَوَّامُونَ عَلَى النِّسَاءِ

Maksud: *Lelaki itu adalah pemimpin yang bertanggungjawab terhadap wanita.*

(Surah *al-Nisa'*, 4: 34)

Pendidikan bukan sahaja penting untuk dituntut oleh suami, malahan juga isteri, anak-anak, ahli keluarga lainnya dan seterusnya masyarakat bagi tujuan melahirkan keperibadian yang unggul dalam diri setiap orang. Mempelajari ilmu juga dapat menghindarkan diri seseorang itu dari perkara yang boleh menyesatkan serta menambahkan lagi pemahaman semasa.

### **Melayan dan Mengauli Isteri dengan Baik**

Gurau senda antara suami isteri perlu wujud dalam perhubungan kerana boleh merapatkan lagi hubungan sekali gus dapat mengembirakan hati serta merehatkan badan dan pemikiran pasangan

tersebut. Apabila mengauli si isteri si suami perlulah melakukan dengan lemah lembut, sopan dan tidak melakukan keganasan sehingga menyakiti si isteri ('Ulwan, 2000; Al-Ghazali, 2011).

### **Tanggungjawab Isteri**

Islam sangat menjunjung tinggi serta memartabatkan kedudukan wanita sehingga mengelarkan wanita yang baik adalah sebaik-baik perhiasan dunia. Penghargaan tersebut dapat dilihat dalam hadis Rasullullah SAW (Muslim, t.th.: 1467):

عَنْ عَبْدِ اللَّهِ بْنِ عَمْرٍو، أَنَّ رَسُولَ اللَّهِ ﷺ، قَالَ: «الدُّنْيَا مَتَاعٌ، وَخَيْرُ مَتَاعِ الدُّنْيَا الْمَرْأَةُ الصَّالِحَةُ.»

Maksud: 'Abdullah bin 'Amr menceritakan bahawa Rasullullah SAW bersabda, "Dunia merupakan perhiasan, dan sebaik-baik perhiasan dunia ialah wanita solehah."

(Muslim)

Justeru, wanita yang paling berperanan dalam menguruskan rumah tangga, mengandung, melahirkan zuriat, mendidik serta membesarkan amanah Allah SWT tersebut. Antara tanggungjawab seorang wanita yang bergelar isteri ialah taat perintah suami, melayani dan mengembirakan hati suami, serta menguruskan rumahtangga.

### **Taat Perintah Suami**

Apabila seorang wanita bernikah, maka tanggungjawab yang terbesar sekali adalah mentaati perintah suami selagi mana perintah tersebut berlandaskan hukum Islam. Seorang isteri perlu mengutamakan suaminya terlebih dahulu daripada ahli keluarganya sendiri (Jasmi, K. A. & Md. Saleh @ Masrom, 2020; Hamzah, N. J., Kamarul Azmi, 2020). Hal ini berdasarkan hadis berikut (Al-Tirmidhi, 1998: 1159):

عَنْ أَبِي هُرَيْرَةَ، عَنِ النَّبِيِّ ﷺ، قَالَ: لَوْ كُنْتُ أَمْرًا أَحَدًا أَنْ يَسْجُدَ لِأَحَدٍ لَأَمَرْتُ الْمَرْأَةَ أَنْ تَسْجُدَ لِزَوْجِهَا.

Maksud: Abu Hurayrah, dari Rasullulloh SAW, beliau bersabda, "Kalaupun aku memerintahkan seseorang untuk bersujud kepada orang lain, niscaya aku akan memerintahkan seorang isteri untuk bersujud kepada suaminya."

(Al-Tirmidhi)

Namun begitu, Ketaatan seorang isteri tidak harus disalah guna oleh suami dalam melaksanakan perkara yang diingini oleh suami. Seharusnya setiap pasangan haruslah menghormati dan menghargai antara satu sama lain bagi meraih reda Allah SWT dan juga mendapat keberkahan dan kehidupan berumahtangga.

### **Melayani dan Mengembirakan Hati Suami**

Keperluan batin merupakan hak seorang suami terhadap isterinya. Sekiranya seorang isteri berada dalam keadaan sihat walafiat, iaitu tidak uzur dan puasa wajib, maka dia dianggap gagal memenuhi tanggungjawabnya dan sudah dianggap menderhaka dan berdosa. Hal ini sebagaimana penjelasan hadis berikut (Al-Bukhari, 2001: 5193):

عَنْ أَبِي هُرَيْرَةَ رَضِيَ اللَّهُ عَنْهُ عَنِ النَّبِيِّ صَلَّى اللَّهُ عَلَيْهِ وَسَلَّمَ قَالَ: «إِذَا دَعَا الرَّجُلُ امْرَأَتَهُ إِلَى فِرَاشِهِ فَأَبَتْ أَنْ تَجِيءَ لَعَنَتْهَا الْمَلَائِكَةُ حَتَّى تُصْبِحَ.»

Maksud: *Abu Hurairah RA menceritakan bahawa Nabi SAW bersabda, "Apabila seorang suami mengajak isteri ke tempat tidurnya, lalu si isteri enggan datang. Malaikat akan melaknatnya sehingga Subuh.*

(Al-Bukhari)

Dalam kehidupan berumah tangga akan sentiasa mempunyai pergolakan dan cubaan dalam kehidupan seharian berumah tangga, namun suami isteri haruslah sentiasa bertolak ansur antara satu sama lain bagi mengelakkan sebarang salah paham dan seterusnya mengakibatkan pertengkaran yang berlarutan. Saling maaf memaafi adalah satu perkara yang sangat dituntut dalam kehidupan berpasangan.

### **Menguruskan Rumahtangga**

Allah SWT jadikan lelaki dan wanita berbeza dari segi fizikal mahupun naluri. Justeru, apabila kaum lelaki mencari rezeki, para isteri akan bertanggungjawab untuk menguruskan rumahtangga dengan baik. Isteri perlulah memastikan tempat tinggal berada dalam yang baik serta menghasilkan suasana serta persekitaran yang menyenangkan.

Selain dari menguruskan hal kediaman, pengurusan kewangan juga berada di bawah tanggungjawab seorang isteri. Apabila si suami memberi wang perbelanjaan, si isteri perlulah berjimat cermat dalam menguruskan perbelanjaan harian bukanlah berbelanja secara berlebihan (Jasmi, K. A. & Md. Saleh @ Masrom, 2020; Hamzah, N. J., Kamarul Azmi, 2020).

### **Menjaga Maruah Diri, Suami dan Keluarga**

Seorang isteri yang solehah hendaklah menjaga maruah serta akhlak apabila melangkah keluar dari tempat tinggalnya dengan mengenakan pakaian yang menutup aurat secara sempurna. Firman Allah SWT:

يَا أَيُّهَا النَّبِيُّ قُلْ لَأَزْوَاجِكَ وَبَنَاتِكَ وَنِسَاءَ الْمُؤْمِنِينَ يُدْنِينَ عَلَيْهِنَّ مِنْ جَلْبَابٍ عَنِّي ذَلِكَ أَذْنَبُ أَنْ يُعْرَفْنَ فَلَا يُؤْذِينَ ۗ وَكَانَ اللَّهُ غَفُورًا رَحِيمًا ﴿٥٩﴾

Maksud: *Hai Nabi, katakanlah kepada isteri, anak perempuanmu, dan isteri orang Mukmin, "Hendaklah mereka menghulurkan jilbabnya ke seluruh tubuh mereka." Yang demikian itu supaya mereka lebih mudah untuk dikenal, kerana itu mereka tidak diganggu. Dan Allah adalah Maha Pengampun lagi Maha Penyayang.*

(Surah al-Ahzab, 33: 59)

Seorang isteri jika melakukan perkara yang disarankan oleh agama Islam akan memudahkan dirinya untuk masuk ke syurga berdasarkan hadis (Ahmad, 1983: 1661):

عَنْ عَبْدِ الرَّحْمَنِ بْنِ عَوْفٍ رَضِيَ اللَّهُ عَنْهُ، قَالَ: قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: «إِذَا صَلَّتِ الْمَرْأَةُ حَمْسَهَا، وَصَامَتْ شَهْرَهَا، وَحَفِظَتْ فَرْجَهَا، وَأَطَاعَتْ زَوْجَهَا قِيلَ لَهَا: «ادْخُلِي الْجَنَّةَ مِنْ أَيِّ أَبْوَابِ الْجَنَّةِ شِئْتَ.»

Maksud: 'Abd al-Rahman bin 'Awf berkata, "Rasulullah SAW bersabda, "Jika seorang wanita menunaikan solat lima waktu, berpuasa pada bulanya (Ramadan), mengawal kemaluannya

(maruahnya) dan taat kepada suaminya. Masuklah dia ke dalam syurga dari mana-mana pintu yang dia kehendakinya.”

(Ahmad)

Menjaga maruah diri dan keluarga adalah penting bukan sahaja untuk diri sendiri tetapi bagi meraih keridaan Allah SWT di dunia dan akhirat. Penjagaan aurat dan juga tingkah laku itu adalah perlu bagi menjaga nama baik keluarga serta bagi mengelakkan sebarang fitnah oleh anggota masyarakat yang lainnya.

## RUMUSAN

Perkahwinan bukanlah tertumpu pada golongan muda sahaja. Warga emas dan suami isteri yang sudah bercerai juga perlu ambil tahu tentang persediaan asas perkahwinan agar mereka tidak ulangi kesalahan yang lama. Islam juga memudahkan satu syariat perkahwinan tersebut. Allah SWT berfirman:

وَلَا جُنَاحَ عَلَيْكُمْ فِيمَا عَرَّضْتُمْ بِهِ مِنْ خِطْبَةِ النِّسَاءِ أَوْ أَكْنَنْتُمْ فِي أَنْفُسِكُمْ عَلِمَ اللَّهُ أَنَّكُمْ سَتَذْكُرُونَهُنَّ وَلَكِنْ لَا تُوَاعِدُوهُنَّ سِرًّا إِلَّا أَنْ تَقُولُوا قَوْلًا مَعْرُوفًا وَلَا تَعْزِمُوا عُقْدَةَ النِّكَاحِ حَتَّىٰ يَبْلُغَ الْكِتَابُ أَجَلَهُ وَاعْلَمُوا أَنَّ اللَّهَ يَعْلَمُ مَا فِي أَنْفُسِكُمْ فَاحْذَرُوهُ وَأَعْلَمُوا أَنَّ اللَّهَ عَفُورٌ حَلِيمٌ ﴿٢٣٥﴾

Maksud: *Dan tidaklah kamu berdosa tentang meminang wanita dengan menyindir atau kamu rahsiakan dalam jiwa kamu. amat mengetahui Allah sesungguhnya kamu mengingat mereka itu tetapi janganlah kamu menjanjikan mereka secara rahsia kecuali katalah oleh mu secara yang baik dan janganlah kamu berazam buat mengkad nikah sebelum sempurna ketentuan idahnya dan ketahuilah oleh kamu sesungguhnya Allah amat mengetahui apa-apa yang ada dalam jiwa kamu. Lantaran itu takutlah dan berhati-hatilah kamu kepada-Nya.”*

(Surah Al-Baqarah, 235)

Kebebasan bergaul antara jantina disalahgunakan seperti yang berlaku dinegara barat. Ada antara mereka yang melakukan hubungan mesra seperti suami isteri tanpa ada ikatan yang sah dari segi syariat. Ada juga wanita yang hamil sebelum berkahwin. Matlamat persediaan asas perkahwinan menurut Islam untuk menyambung generasi manusia dengan berlandaskan syariat. Penyaluran cinta, kasih sayang dan naluri seks melalui pernikahan dan perkahwinan yang diatur sempurna oleh Islam .

Perasaan cinta dan kasih sayang adalah anugerah Allah SWT kepada manusia, tetapi ingatlah cinta yang mutlak itu hanyalah kepada-Nya (Daud, Mustafa, 1991). Janganlah cinta itu disalahgunakan dan Islam juga mengajar kita supaya menyegerakan nikah dan langsungkan perkahwinan jika kedua belah pihak sudah berkemampuan.

## RUJUKAN

- 'Ulwan, Abdullah Nasih. (2000). *Pendidikan Anak-Anak Menurut Pandangan Islam*. Kuala Lumpur: JAKIM.
- Abdul Hamid, Aizuddin. (2015). *Kahwin Muda ke Arah Mencari Reda-Nya*. Sungai Buluh, Selangor: Telaga Biru Publications & Distributors Sdn. Bhd.

- Abdul Jamal, Nor Rashidah, & Jasmi, Kamarul Azmi. (2006). *Persepsi Pelajar SPI yang Berkahwin Tentang Perkahwinan Semasa Belajar*. Universiti Teknologi Malaysia.
- Abdullah, Shaik. (2019). *Pengajian Islam*. Pulau Pinang: Universiti Terbuka Wawasan.
- Ahmad, Muhammad Hambal. (1983). *Fada'il al-Sahabah* (Wasyullah Muhammad 'Abbas Ed.). Beirut: Mu'assah al-Risalah.
- Ahmad, Muhammad Hambal. (2001). *Musnad al-Imam Ahmad bin Hambal* (Shu'ay al-Arna'ut & 'Adil Murshid Ed.). Al-Qahirah: Mu'assah al-Risalah.
- Al-Banna, Hasan. (1986). *Allah di dalam Akidah Islamiah* (Alwi Hasan, Trans.). Kuala Lumpur: Dewan Pustaka Islam.
- Al-Bukhari, Muhammad. (2001). *Al-Jami' al-Musnad al-Sahih al-Mukhtasar min Umur Rasulullah SAW wa Sunanihi wa Ayyamihi – Sahih al-Bukhari* (Muhammad Zuhair Nasir Al-Nasir Ed. Vol. 1-9). Masurah: Dar Tuq al-Najat.
- al-Buraikan, Ibrahim bin Muhammad Abdullah. (1998). Pengantar Studi Akidah Islam. *terj. Muhammad Arus Matta, Robbani Press, 222-223*.
- Al-Ghazali, Abi Hamid Muhammad. (2011). *Ahya' 'Ulum al-Din*. Jeddah: Dar al-Minhaj.
- Al-Jazairi, Abi Bakr Jabir. (1999). *'Akidah al-Mukmin*. Madinah al-Munawarah: Maktabah al-'Ulum wa al-Hikam.
- Al-Qaradawi, Yusuf. (1995). *Al-Ibadah fi al-Islam*. Qaherah: Maktabah Wahbah.
- Al-Tirmidhi, Muhammad 'Isa. (1998). *Al-Jami' al-Kabir - Sunan al-Tarmidhi* (Bashar 'Awad Ma'ruf Ed. Vol. 1-6). Beirut: Dar al-Girb al-Islami.
- Alias, Nurmaya. (2018, September 07). Pakar Motivasi Muhaya Muhamad Kongsi Petua Keibubapaan. *Berita Harian.sg*.
- Arriffin, Armaz, Hakimi, Muhammad Iqbal, Fadzil, Muhammad Syabil, & Jasmi, Kamarul Azmi. (2012). *Pembubaran Perkahwinan dalam Islam*. Kertas Kerja Dibentangkan di Seminar Tamadun 2012.
- Awang, Ramli. (2012). *Akidah dalam Kehidupan Muslim*. Skudai Johor: Penerbit UTM Press.
- Awang, Ramli (2005). *Akidah Penghayatan Tauhid al-Quran*. Johor Darul Takzim: Universiti Teknologi Malaysia.
- Basiron, Bushrah, & Mhod Shubari, Mohammad Iqram. (2015). Mahasiswa dan Amalan Kerohanian. In Kamarul Azmi Jasmi (Ed.), *Mahasiswa dan Kehidupan dari Perspektif Islam: Asas Pembangunan Diri* (Vol. 1). Skudai, Johor: Penerbit UTM Press.
- Carole, Bourne Burgoyne, Janet, Reibstein, Anne, Mary Edmunds, & David, Anthony Routh. (2010). Preparation: What Changes After The Wedding? *Marital Commitment, Money and Marriage*, 390-403. doi:10.1002/casp.1045
- Chek, Roziah. (2010). *Konsep Perkahwinan dalam Islam dan Kristian: Kajian Perbandingan*. (Sarjana), University Of Malaya, Kuala Lumpur.
- Daud, Mustafa. (1991). *Perkahwinan Menurut Islam*. Kuala Lumpur: Utusan Publications & Distributors Sdn. Bhd.
- Daud, Mustafa. (2005). *Perkahwinan Menurut Islam*. Kuala Lumpur: Utusan Publications dan Distributors Sdn Bhd.
- Faridah, C.H., & Sarina Aini, K. (2006). Pendekatan Psikologi dalam Pendidikan Akhlak Muslim Sebagai Pemangkin Pembangunan Insan dan Tamadun. *Jurnal Pengajian Melayu*, 17, 290-306.
- Hamzah, Naemah, & Jasmi, Kamarul Azmi. (2020). *Wanita Bekerjaya Menurut Perspektif Islam*. Skudai Johor: Penerbit UTM Press.
- Hamzah, Naemah Jasmi, Kamarul Azmi. (2020). *Wanita Bekerjaya Menurut Perspektif Islam*. Skudai Johor: Penerbit UTM Press.
- Ilahi, Karim. (2000). *Jodoh Perkahwinan & Rumah tangga Bahagia*. Johor Bahru: Perniagaan Jahabersa.
- Isa, Mohd, Fahmi, Arif, Yahya, Muhd, & Jasmi, Kamarul Azmi. (2012, 21 April 2012). *Wanita dan Perkahwinan dalam Islam*. Kertas Kerja Dibentangkan di Seminar Tamadun 2012, Marbawy Hall, Faculty of Islamic Civilization, Universiti Teknologi Malaysia.

- Ismail, Ahmad Munawar. (2009). *Pengaruh Akidah Terhadap Penghayatan Akhlak Pelajar-Pelajar Sekolah Menengah Kebangsaan Di Malaysia*. (Doktor Falsafah), Universiti Kebangsaan Malaysia, Bangi.
- Ismail, Ahmad Munawar, & Jasmi, Kamarul Azmi. (2016). *Akidah dan Akhlak dalam Pendidikan Islam*. Skudai, Johor: Penerbit UTM Press.
- Jasmi, Azmi Kamarul. (2016). Ibadah. In Azmi Kamarul Jasmi (Ed.), *Ensiklopedia Pendidikan Islam*. Skudai Johor: Fakulti Tamadun Islam UTM & Persatuan Cendekiawan Pendidikan Islam (Malaysia).
- Jasmi, Kamarul Azmi. (2002). *Paradigma Al-Imam al-Nawawi Dalam Pembangunan Insan: Satu Kajian Teks Terhadap Kitab Riyad al-Solihin*: Universiti Malaya: Projek Sarjana.
- Jasmi, Kamarul Azmi. (2005). *Menjejak Kecemerlangan Rasulullah S.A.W. dalam Pendidikan Keluarga Islam*. Kertas kerja Dibentangkan di Sambutan Maulid al-Rasul, Perkarangan Masjid Jamek Ladang Sri Gading Pekan Sri Gading Batu Pahat Johor. [http://eprints.utm.my/41143/1/JasmiKA2005\\_MenjejakKecemerlanganRasulullahdmlmPendidikan.pdf](http://eprints.utm.my/41143/1/JasmiKA2005_MenjejakKecemerlanganRasulullahdmlmPendidikan.pdf)
- Jasmi, Kamarul Azmi. (2008). *Perkahwinan Semasa Belajar: Kebaikan dan Keburukannya dalam Pembangunan Pelajar Universiti*. Kertas kerja Dibentangkan di Persidangan Pembangunan Pelajar Peringkat Kebangsaan 2008, Dewan Sultan Ismail, UTM. <http://eprints.utm.my/41079/1/Perkahwinan-Semasa-Belajar-Kebaikan-dan-keburukannya-dalam-Pembangunan-Pelajar-Universiti>
- Jasmi, Kamarul Azmi. (2018a). *Ciri Orang yang Bertakwa: Al-Baqarah (2: 1-5)*. Kertas kerja Dibentangkan di Siri 2: Program Budaya al-Quran 26hb. Julai 2018, Kolej Tun Fatimah, UTM.
- Jasmi, Kamarul Azmi. (2018b). *Ciri Orang Yang Bertakwa: Surah al-Baqarah (1: 1-5)*. Skudai Johor: Akademi Tamadun Islam, FSSK, UTM.
- Jasmi, Kamarul Azmi. (2018c). *Hidayah sebagai Anugerah Tidak Ternilai: Al-Fatihah (1: 1-7)*. Kertas kerja Dibentangkan di Siri 1: Program Budaya al-Quran 19hb. Julai 2018, Kolej Tun Fatimah, UTM.
- Jasmi, Kamarul Azmi. (2018d). *Hidayah Sebagai Anugerah Tidak Ternilai: Surah al-Fatihah (1: 1-7)* (Vol. 1). Skudai Johor: Akademi Tamadun Islam, Fakulti Sains Sosial & Kemanusiaan, Universiti Teknologi Malaysia.
- Jasmi, Kamarul Azmi. (2018e). Karakter 7B Mukmin Cemerlang. *Jurnal Tinta Artikulasi Membina Ummah (TAMU)*, 4(1), 1-22.
- Jasmi, Kamarul Azmi. (2020). *Pembangunan Insan Soleh Menurut Perspektif Imam al-Nawawi*. Skudai Johor: Penerbit UTM Press.
- Jasmi, Kamarul Azmi, & Md Saleh @ Masrom, Siti Fauziyani. (2005). *Kecemerlangan Wanita Profesional Mengimbangi Tugas Rumah tangga dan Kerjaya: Perspektif Islam*. Kertas kerja Dibentangkan di Seminar Wanita Profesional, Main Hall of Faculty of Education, Universiti Malaya. [http://eprints.utm.my/41142/1/JasmiKA2005\\_KecemerlanganWanitaProfesionalMengimbangiTugas.pdf](http://eprints.utm.my/41142/1/JasmiKA2005_KecemerlanganWanitaProfesionalMengimbangiTugas.pdf)
- Jasmi, Kamarul Azmi, & Md Salleh, Siti Fauziyani. (2007). *Pendidikan dan Pembangunan Keluarga Cemerlang*. Skudai Johor Bahru: Penerbit UTM.
- Jasmi, Kamarul Azmi, & Md. Saleh @ Masrom, Siti Fauziyani. (2020). *Didiklah Kami Dengan Sempurna*. Kuala Lumpur: Dewan Bahasa dan Pustaka.
- Jasmi, Kamarul Azmi, Muhammad, Azhar, & Mohamed, Ahmad Kilani. (2004). *Asas Kebahagiaan Rumah tangga Mengikut Paradigma al-Nawawi*. Kertas kerja Dibentangkan di Seminar Pembangunan Keluarga Kebangsaan 2004, Main Hall, University of Malaya Centre for Family Development (UMCFD) Faculty of Education, Universiti Malaya. [http://eprints.utm.my/20790/1/JasmiKA2004\\_AsasKebahagiaanRumah tanggaMengikutParadigmaal-Nawawi.pdf](http://eprints.utm.my/20790/1/JasmiKA2004_AsasKebahagiaanRumah tanggaMengikutParadigmaal-Nawawi.pdf)
- Jasmi, Kamarul Azmi, Mustari, Mohd, & Mohamed, Ahmad Kilani. (2004). Pendidikan Akhlak kepada Allah SWT: Nadi Penggerak Pembangunan Peradaban Insan.



- Jasmi, Kamarul Azmi, & Suratman, Azmi Shah. (2007). *Pembangunan Modal Insan yang Sempurna Menurut Perspektif Al-Imam-Al-Nawawi*.
- Jasmi, Kamarul Azmi, & Tamuri, Ab Halim. (2011). *Dasar Akidah Muslim*. Skudai Johor: Penerbit UTM.
- Kamus Dewan*. (2005). *Kamus Dewan* (Edisi Keempat ed.). Kuala Lumpur: Dewan Bahasa dan Pustaka.
- Kamus Pelajar*. (2015). *Kamus Pelajar Bahasa Malaysia*. Kuala Lumpur: Dewan Bahasa dan Pustaka.
- Mahmud, Badwi. (2010). *100 Pesan Nabi Untuk Wanita: Penuntun Akhlak dan Ibadah*. Bandung: PT Mizan Publika.
- Mohd Isa, Arif Fahmi, Yahya, Muhd. Aizat, & Jasmi, Kamarul Azmi (2012). Wanita dan Perkahwinan dalam Islam. *Prosiding Seminar Tamadun 2012*, 13.
- Mohd Noor, Umar Mukhtar (2016). Irsyad al-Hadith Siri Ke-33: Hadis Penciptaan Hawa Daripada Tulang Rusuk. Retrieved from <http://muftiwp.gov.my/ms/artikel/irsyad-al-hadith/1518-irsyad-al-hadith-siri-ke-33-hadis-penciptaan-hawa>
- Mohd Nor, Nor Shelida, & Jasmi, Kamarul Azmi. (2006a). *Persepsi Mahasiswa Terhadap Urusan Rumah tangga Dan Kerjaya: satu Kajian Terhadap Mahasiswa Tahun Akhir Ijazah Sarjana Muda Sains Serta Pendidikan (pengajian Islam)*. (Sarjana Muda), Universiti Teknologi Malaysia, Skudai Johor.
- Mohd Nor, Nor Shelida, & Jasmi, Kamarul Azmi. (2006b). *Persepsi Mahasiswa Terhadap Urusan Rumah tangga dan Kerjaya: Satu Kajian Terhadap Mahasiswa Tahun Akhir Ijazah Sarjana Muda Sains serta Pendidikan (Pengajian Islam)*. (Bachelor's), Universiti Teknologi Malaysia, Skudai, Johor. Retrieved from <http://merr.utm.my/9755/>
- Mohd Yusof, Ahmad Nazri (2017, Februari 15). Memahami Matlamat Perkahwinan. *BH online*.
- Muhammad, Azhar, & Jasmi, Kamarul Azmi. (2004a). *Etika Islam Terhadap Peranan Institusi Keluarga dalam Pendidikan Kerjaya Anak-anak*. Kertas kerja Dibentangkan di Seminar Pembangunan Kerjaya Abad 21, Main Hall, Faculty of Education, Universiti Malaya. [http://eprints.utm.my/41121/1/MuhammadA2004\\_EtikaIslamTerhadapPerananInstitusiKeluargadalamPendidikanKerjayaAnak.pdf](http://eprints.utm.my/41121/1/MuhammadA2004_EtikaIslamTerhadapPerananInstitusiKeluargadalamPendidikanKerjayaAnak.pdf)
- Muhammad, Azhar, & Jasmi, Kamarul Azmi. (2004b). *Pengabaian Tanggungjawab Suami Terhadap Hak Isteri di Kalangan Orang-orang Melayu*. Kertas kerja Dibentangkan di Seminar Pembangunan Keluarga Kebangsaan 2004, Main Hall, Faculty of Education, Universiti Malaya. [http://eprints.utm.my/20788/1/MuhammadA2004\\_%20Pengabaian%20Tanggungjawab%20Suami%20Terhadap%20Hak%20Isteri%20dalam%20Kalangan%20Orang%20Melayu.pdf](http://eprints.utm.my/20788/1/MuhammadA2004_%20Pengabaian%20Tanggungjawab%20Suami%20Terhadap%20Hak%20Isteri%20dalam%20Kalangan%20Orang%20Melayu.pdf)
- Muslim, al-Hajjaj. (t.th.). *Sahih Muslim* (Vol. 1-8). Beirut: Dar al-Fikr.
- Mustari, Mohd Ismail Bin, Mohamed, Ahmad Kilani, Jasmi, Kamarul Azmi, & Ya'akob, Robiah. (2004). *Pembentukan Nilai dan Kecemerlangan Bagi Melahirkan Generasi Muda yang Mapan dalam Menghadapi Era Pasca Modenisme*. Kertas Kerja Dibentangkan di Seminar Antarabangsa Nilai Dalam Komuniti Pasca Modenisme, 2004.
- Nubli Muhammad, Abdul Wahab. (1997). *Persediaan Belia Islam untuk Berkahwin: Kajian dari Sudut Pengetahuan dan Amalan*. (Sarjana Project Paper Report), Universiti Putra Malaysia, Universiti Putra Malaysia, Seri Kembangan.
- Putung, Siti Halimah, & Ag Basir, Dg Hafizah. (2017). Penglibatan Suami dalam Kerja-Kerja Rumah Tangga: Kajian Kes di Sabah. *Jurnal Fiqh*, 14(2017), 1-26.
- Rashid, Abd Rahim Abd, Hussin, Sufean, & Hassan, Che Hashim. (2006). *Krisis dan konflik institusi keluarga*. Kuala Lumpur: Utusan Publications Distributer Sdn Bhd.
- Sabiq, Sayid. (1994). *Akidah Islam Pola Hidup Manusia Beriman* (Vol. 2). Kyodo Printing Co (S'pore) Pte Ltd 112 Neythal Road, Jurong Town. Singapore 2262: Pustaka Nasional Pte Ltd Singapura.
- Sani, Mohamad. (2013). *Persediaan Belia Islam Untuk Berkahwin dari Sudut Pengetahuan, Sikap dan Amalan*. Kolej Universiti Insaniah, Alor Setar.
- Taher, Tarmizi. (2003). *Menyegarkan Akidah Tauhid Insani Mati di Era Klenik*. Kuala Lumpur: Darul Fikir.